

GRAD SARAJEVO
Radna grupa Gradinačelnice

GRAD SARAJEVO
Gradsko vijeće
Komisija za Statut i akte

PREDMET: Stavovi na komentare, primjedbe i sugestije na radni materijal za izradu tekst Nacrta Statuta Grada Sarajeva, dostavljenih od strane gradskog vijećnika i zamjenika predsjedavajućeg Komisije, gospodina Dženana Tikveše

Poštovani,

Shodno uputi predsjedavajućeg Komisije za Statut i akte, gospodina Vukadina, sa 27. sjednice Komisije za Statut i akate, a u vezi sa predmetnim komentarima, primjedbama i sugestijama na tekst Nacrta Statuta, u Radnoj grupi Gradonačelnice, zauzeti su stavovi i učinjeno sljedeće:

NA NAVODE

1) Iza člana 11. dodaje se novi član 12. (u slučaju prihvatanja članovi bi dobili novu numeraciju)

„Član 12.
(Javna priznanja)

(1) Grad Sarajevo ustanovljava nagrade i druga javna priznanja za značajna ostvarenja i značajne rezultate u različitim oblastima, kao i u znak zahvalnosti.

(2) Vrste nagrada i drugih javnih priznanja, kao i uslovi i postupak njihove dodjele uređuje se odlukom Gradskog vijeća.“

Obrazloženje

Imajući u vidu da je paravo koherentna cjelina, a kako je zakonima kojima se uspostavlja status grada propisano da se statutom, između ostalog, propisuju i uređuju javna priznanja, cijenim da je svrsishodno da se ista nađu u ovom statutu.

✚ Očekuje se zauzimanje stava Komisije, a stav Radne grupe je da se ne radi o statutarnoj materiji, te stoga nije potrebno uvođenje u odredbe Statuta.

2) Iza člana 20. dodaje se novi član 21. (u slučaju prihvatanja članovi bi dobili novu numeraciju)

„Član 21.
(Odgovornost za vršenje nadležnosti)

Grad Sarajevo je odgovoran za kvalitetno, ekonomično i efikasno vršenje svojih i povjerenih nadležnosti i poslova na teritoriji grada Sarajeva.“

Obrazloženje

Cijenim da ovo načelo ima veliki pravni značaj, te da bi se zbog svoje važnosti trebalo naći u ovom statutu.

- + Očekuje se zauzimanje stava Komisije, a stav Radne grupe je da se radi o opštim i prihvaćenim načelima pravnog poretka, te stoga nije potrebno posebno uvođenje u odredbe Statuta.**

- 3) U članu 25. stav 83) u drugom redu broj 6. briše se, a u trećem redu broj 3. briše se. Naime,

Obrazloženje

Brojevi upotrijebljeni u propisu pišu se slovima do broja deset.

- + Očekuje se zauzimanje stava Komisije i razjašnjenje u smislu tehničke greške jer se radi o broju 2.**

- 4) Član 27. mijenja se i glasi:

„Član 27.
(Mandat gradskog vijećnika)

(1) Mandat gradskog vijećnika počinje da teče danom potvrđivanja mandata i traje 4. godine.

(2) U nekim izuzetnim slučajevima, mandat gradskog vijećnika može se produžiti u periodu do potvrđivanja novih izbornih rezultata ili konstituisanja novog saziva, isključivo za pitanja koja su nužna za svakodnevno funkcionisanje grada Sarajeva.“

Obrazloženje

Izbornim zakonom je eksplicite propisano da mandat općinskog vijeća, skupštine općine, gradskog vijeća, skupštine grada, odnosno kantonalne skupštine traje četiri godine. Stoga, omeđeno nam je djelovanje u tom pogledu. Međutim, cijenim da možemo propisati izuzetak u određenom slučaju, vodeći se tumačenjem OHR, odnosno uvažavajući načelom kontinuiteta funkcije prema kojem se mandat nosiocu funkcije nastavlja sve dok se na njegovo mjesto ne imenuje zamjena.

Vijeće je predstavničko tijelo građana koje odlučuje u okviru svojih nadležnosti i odgovornosti, a ne zakonodavno.

- + Ovaj prijedlog je prihvaćen, te ugrađen u tekst Nacrta i očekuje se potvrda od strane Komisije.**

- 5) U članu 29. stav (1) iza tačke u) dodaje se nova tačka v), koja glasi: (u slučaju prihvatanja tačke bi dobili novu numeraciju)

“v) donosi odluku o davanju saglasnosti”

Obrazloženje:

U prethodnom periodu bili smo svjedoci da se od vijeća tražilo davanje mnogih saglasnosti, odnosno potvrđivanja, a kako je praksa ispravlja propise, cijenim da je svrsishodno normirati davanje saglasnosti, odnosno potvrđivanje.

✚ Očekuje se zauzimanje stava Komisije i razjašnjenje u smislu dodatnog pojašnjenja, odnosno preciziranja „saglasnosti“ (na šta), a koje nije regulisano i u drugim aktima.

- 6) U članu 30. stav (3) tačka a) iza riječi “vijeće” interpunkcijski znak “dvotačka”, zamjenjuje se interpunkcijskim znakom “zarez” i dodaje se riječi “podnositi prijedloge akata i podnositi amandmane na prijedloge akata.”

Iza tačke d) dodaju se nove tačke e), f) i g), koje glase:

e) učestvuje u radu vijeće i radnih tijela,

f) raspravljati i glasovati o svakom pitanju koje je na dnevnom redu sjednice Vijeća,

g) učestvovati u drugima aktivnostima vijeća.”

Obrazloženje:

Na ovaj način smo dopunili prava vijećnika koja se prožimaju kroz statut.

- 7) **Član 38. mijenja se i glasi:**

“Član 38.
(Osnivanje radanih tijela)

(1) Gradsko vijeće osniva stalna i povremene radna tijela .

(2) Stalna radna tijela Gradskog vijeća razmatraju prijedloge odluka i drugih akata te druga pitanja koja sun a dnevnom redu Gradskog vijeća i o njima daju mišljenje i prijedloge.

(3) Povremena radna tijela osnivaju se radi razmatranja ili stručne obrade pojedinog pitanja odnosno izrade prijedloga pojedinog akta”.

- 8) **Iza člana 38. dodaju se novi članovi 39. i 40. (u slučaju prihvatanja članovi bi dobili novu numeraciju)**

„Član 39.
(Stalna radna tijela)

(1) Stalna radna tijela Gradskog vijeća jesu:

a)

b)

c)

(..)

(2) Gradsko vijeće može Poslovníkom osnivati i druga stalna radna tijela.

(3) Sastav, broj članova, djelokrug i način rada tijela iz st. (1) i (2) ovog člana utvrđuju se Poslovníkom.

Član 40.

(povremena radna tijela)

- (1) Gradsko vijeće može odlukom osnivati i povremena rada tijela.
- (2) Odlukom o osnivanju povremenog radnog tijela utvrđuje se njegov sastav, broj članova, zadaci i način rada.“

✚ Očekuje se zauzimanje stava Komisije, a stav Radne grupe je da se u prijedlozima 6), 7) i 8), radi o materiji koja se uređuje Poslovníkom o radu Gradskog vijeća Grada Sarajeva.

- 9) Iza člana 51. dodaje se novi član 52., koji glasi: (u slučaju prihvatanja članovi bi dobili novu numeraciju)

„Član 52.

(Primjena propisa o upravnom postupku)

U postupku pred Gradskom upravom, u kojem se rješava o pravima, obavezama i interesima građana i pravnih lica, primjenjuje se propisi o upravnom postupku.“

✚ Očekuje se zauzimanje stava Komisije, a stav Radne grupe je da se u radu Gradske uprave, koja je organizovana kao jedinstveni gradski organ uprave, u skladu sa zakonom, u svim upravnim stvarima temeljenim na materijalnim propisima uprave, nužno primjenjuju propisi o upravnom postupku.

- 10) U članu 54. dodaju se novi st (2) i (3), koji glase:

„(2) Gradonačelnik je, u pravilu, dužan prisustvovati sjednicama Gradskog vijeća.

(3) Gradonačelnik ima pravo i dužnost izjasniti se o svakom prijedlogu akta na dnevnom redu Gradskog vijeća.“

✚ Očekuje se zauzimanje stava Komisije, a stav Radne grupe je da u članu koji nosi naziv: Načela međusobnog odnosa Gradskog vijeća i Gradonačelnika, nije adekvatno propisivati prednje, već samim tim što se ne radi o načelma. Ako pak treba propisivati navedeno na ovaj način, stav Radne grupe je da se to učini u Poslovníku.

- 11) Iza člana 55. dodaje se novi članovi 56. i 57., koji glase: (u slučaju prihvatanja članovi bi dobili novu numeraciju).

„Član 56.

(Izvještaj o radu Gradonačelnika)

Gradonačelnik dva puta godišnje podnosi Gradskom vijeću polugodištenje izvještaje o svom radu: do 1. septembra za period januar – juni tekuće godine i do 28. februara za period juli – decembar prethodne godine.

Član 57.
(Izvještaj o pojedinim pitanjima)

- (1) Gradonačelnik podnosi izvještaj o pojedinim pitanjima iz svog djelokruga na zahtjev Gradskog vijeća.
- (2) Prijedlog akta koji se zadužuje gradonačelnik da podnese izvještaj o pitanjima iz stava 1. ovog člana može podnijeti stalno radno tijelo za pitanja iz svog djelokruga, klub gradskih vijećnika ili najmanje četvrtina gradskih vijećnika. Prijedlog mora biti obrazložen.
- (3) Gradonačelnik je dužan dostaviti izvještaj u roku od 30 dana o dana prijema zahtjeva Gradskog vijeća. Ako se izvještaj traži o većem broju različitih pitanja, rok za dostavu izvještaja je 60 dana od dana prijema zahtjeva.
- (4) Gradsko vijeće ne može zahtijevati od gradonačelnika da podnese izvještaj o bitno podudarnom pitanju dok ne protekne rok od šest mjeseci od dana prihvatanja ranje podnesenog izvještaja.
- (5) Na ostala pitanja koja nisu uređena ovim članom, primjenjuju se odredbe Poslovnika kojim je uređen postupak donošenja akta.

✚ **Očekuje se zauzimanje stava Komisije, a stav Radne grupe je da je prednje nepotrebno i da podrazumijeva suviše dodatno angažovanje radnih sati na administriranje, a ne na poduzimanje radnji i aktivnosti usmjerenih na životna pitanja građanki i građana.**

- 12) U članu 65. stav (2) u drugom redu riječ“jedinstveni matični broj“ briše se.
Sporano je sa aspekta zaštite ličnih podataka.

✚ **Ovaj prijedlog je prihvaćen, te ugrađen u tekst Nacrta i očekuje se potvrda od strane Komisije.**

- 13) Iza člana 73. dodaje se novi član 74., koji glasi:

„Član 74.
(Odgovornost za izvršenje budžeta)

Za izvršenje budžeta Grada Sarajeva, gradonačelnik odgovara Gradskom vijeću

✚ **Očekuje se zauzimanje stava Komisije, a stav Radne grupe je da je pitanje i ove odgovornosti, pored ostalog što je zakonska budžetska materija, detaljno i precizno regulisano, pa bi ovdje bilo višak.**

- 14) U članovima 29., 30., 72., i 82 potrebno je tačke označiti ispravno, odnosno iza slova staviti zagrada

 Ovaj prijedlog je prihvaćen, te ugrađen u tekst Nacrta.

Napomena: svi raniji prijedlozi koje je Komisija podržala na sjednici, ugrađeni su u tekst, a zbog promjene mjesta u tekstu ranijeg člana 98., sada član 3, izvršeno je usklađivanje numeracije članova.

S poštovanjem,

Za Radnu grupu
Dragana Solaković, dipl. iur, s.r.

Sarajevo, 21.03.2022. godine